



Von Reinicken Fuchs/

Vnd meinem Weib zuuorn an.
 Er führt sie einst bey einen See/
 Es war sehr kalt vnd grosser Schnee/
 Er sprach: Wenn sie gern Fisch wolt fangen/
 Solt sie ihren Zagel lassen hangen
 Ins Wasser/ vnd so halten still/
 Würden daran hangen so viel
 Fisch/ als sie selbst vierdt möcht essen:
 Die arm Thörin war so vergessen/
 Vnd hieng den Schwanz ins Wasser ein/
 Baldt war er ihr gefroren ein/
 Daß sie ihn nicht herauß kondt bringen/
 Sie dacht es würd ihr gar gelingen/
 Sie meint daß der Schwanz wer so schwer/
 Weyn eitel Fisch. So baldt nun er/
 Reinicken dasselbig hett ersehen/
 Gundt er sie schändtlich anzugehen
 Vnd brach mit ihr alda die Ehe/
 Sie war gefangen in dem See/
 Daß sie es must geschehen lassen.
 Ungefähr kam ich dieselbig strassen/
 Vnd fandt Reinicken auff frischer that/
 So baldt er mich ersehen hat/
 Dreht er sich auß/ mein Frauw die rieff/
 Eilendt ich da er zuher lieff/
 In dem Teich must ich da waten/
 Vnd in dem kalten Wasser baden/
 Biß ich das Eiß mit not zubrach/
 Bedenck ein jeder seine sach/
 Wie mir das mög gefallen han/
 Daß Reinicken solches hat gethan/
 Ich zohe mit macht an meinem Weib/
 Biß ich errettet ihren Leib/

Des

361

359

365

355

370

350

310

260

Ende

Anfang